

դի սկիզբն արասցեն գործոյն, եւ բարձցի խոսովութիւնն 'ի միջոյ . և մնացեալքն հետեւապէս կատարեն գրով Բը-
դեշխին և կամ Տէրութեան :

Գնացին Հայք առ Գատաւորն և յետ բազում բանից՝ խոս-
տանայր կատարել զումանս ըստ հրովարտակին, և զումանս 'ի
վկայս առնէր ապաստան : Հայք առաջի եղին նմա զայսոսիկ
խնդիրս, առ ժամն սոքօք բաւականացեալ, զբանալի հիւ-
սիսային դրան Այրին Մենդեան Քրիստոսի, և զմին յերկց
դրանց 'ի մի կարգ եղելոց յեկեղեցւոջ անդ, զբանալի
փայտեայ միջնադրան, որ արձանադրութեամբ սեփնահան
էր Հայոց . ճանապարհ 'ի վանաց մինչեւ յԱյրն, գնալ 'ի
Ս. Աստուածածինն ըստ առաջնոյն . կախել զմի շար կան-
թեղս, և զայլ չորս մշտակայ կանթեղս 'ի Ս. Յարութիւնն,
զմի կանթեղն 'ի Պատանատեղին՝ զոր յախշտակեալ էին
Յոյնք . կանգնել 'ի հիմանէ զԷւզարերկց սեղանն, զոր իս-
պառ անհետ արարեալ էին, կախել զպատկերն 'ի վերայ
դրան Գերեզմանին, և զչորեսին կանթեղս 'ի շրջապատս
նորին, և յայլ տեղիս նոյնպէս զպատկերս և զկանթեղս, և
չինել զխաչկալս խորանայ . թափել 'ի ձեռաց Յունաց՝ զտե-
ղիս և զկանթեղս 'ի կողմն Յովսէփայ Արեմաթացւոյն, կնքել
զտուժարն քննութեան, և զգիրն հաստատութեան երկց հե-
տեւակ ազգաց, և տալ գիր անթերի կատարելոյ զամենայն
ինչ՝ զորս գրեցաք . զի թէսլէտեւ Հայք կամէին ըստ մտաց
նոր հրովարտակին ամենայն իրօք հաւատար լինիլ Յունաց
'ի Ս. Մնուեդ և 'ի Ս. Աստուածածինն, զի այն իսկ էր գի-
տաւորութիւն Արքայի . սակայն Գատաւորն չառնոյր յանձն
կատարել զայնոսիկ՝ և հաւատար բաժանորդութեան հրա-
ման տալ, Յետ խօսելոյ 'ի վերայ առաջարկութեանցս այ-
սոցիկ, ասէ Գատաւորն՝ զի՞նչ տայք, թէսլէտ կաշառ ոչ
ընդունիմ, այլ վասն կատարելոյ զգործս ձեր պարտ է
առնել հաստատ սակարկութիւն, և այն եթէ յօժարեսցին
սիրաք ձեր, և վերջապէս առաջարկէ նոցա տալ 100,000
դահեկան . Հայք առաջի եղին նմա զտկարութիւնս եւ
զաղքատութիւնս իւրեանց, եւ աղաչէին վարիլ խնամով
և գթութեամբ . այլ նա ոչ աղաչանաց լսէր և ոչ 'ի պա-
հանջից զիջանէր . և յետ բազում բանից իմացեալ զկամա-
կոր միտս նորա, եկեալ պատմեցին թէ՛նդորոս Պատրիարքի